



НЕБДИНСА ВИТТОРЛОН ЧУЖОМСЯНЬ 125 ВО

Енбиа Виттор

Коми кывтö школаын эг велöд, роч классö веськалі да, та вöсна Нёбдинса Витторкöд «тöдмасьöмыс» вöлі сёрон — университетын. Но кызди сöмын кылі «Чужи-быдми сьöд вөр шöрын», пыр и казтыштi бабöс, сылысь катыдса пöдругаясö. Насянь кывлі тайö кывбурсö. Либö «Мича нывъяс Эжва дорö лэччисны»... Кутшöм коми мортлы тайö сыланкывйыс абу тöдса? А «Югыд кодзув, петав, петав»?.. А «Энö дивитöй тi менö, коми аняяс, бабаяс»?..

Позьö водзö и водзö лыддьöдлыны Виктор Алексеевичлысь кывбурьясö. Да öд сідзи гижöма, мый сё во мысти лыддян да, йирмög босьтлö, а мича коми кывъясыс сьöломтö быттьö вия бордийон мавтыштöны.

Со öд мый колис мянлы, коми йöзлы, тайö Енбиа мортлыс. Кывбурсö лыддигон он бара-й крукась кывъясас.

Да, эмось сылön и «партейной» гижöдъяс. Но мортлыс эскис: тадзи и колö овны, тадзи и колö гижны — йöзсö югыдлань чуксалöмön. Эскис: сöмын Совет власьт вермас сетны мортлы став бурсö.

Дзуг да сьöкыд кадö мойвиöма чужны мян землякы. Но сійö уджалöма асьсö жалиттög. И кывбурьяс гижöма, и пьесаяс, и спектаклясын ворсöма, и журналисталома. Дженьыда кө, кытчö мөдöдломась, сәні и зильöма.

Сылön куломсянь таво августын тыри 70 во. И сы дыра жö кадысь кадö зильöны ныйтöн резны сылысь бур нимсö. Со и öнi öтияс сьöломсяньыс дасьтысьöны кыпыда пасйыны Нёбдинса Витторлön чужомсяньыс 125 во, мөдъяс газет лист боксянь дульнаныс резсьöны, ЧК-ын пö уджавлöма, и Керенскийлысь гöтырсö дзескыдинö йортлöма, и юöма-кодавлöма.


Да, уджавлöма! Да, арестуйтлöма! И винатö абу жö пельпом саяс коявлöма. Сәсся мый? Ловъя морт öд вöлöма. Гөтыра и котыра.

Да, öтияс ас бөрсяыс колясны газетын сійöс ныйтöн резана гижöд, а мөдъяс...

*«Унаысь ме сывлывлі,
Йöзсянь «аттьö» кывлывлі;
Пöляньон моз чипсаяс,
Йöз сьöлмö чуксаяс
Коми сыланкывйöн...»*

Сарство небесной тэд, Енбиа Виттор!

Надежда БЫКОВСКАЯ.



Пыдын вужъя, пашкыр вожа

Буретш татшöм ордшуыс коми гижысь, кывбуралысь, драматург, журналист Нёбдинса Витторлön, кодлön чужомсяньыс тырис 125 во.

Кольöм четвергö юркарса коми культура шöринын тайö тшулöда пассö нимöдны чукöртчылісны Корткерöсса землячествоын водзмöстчысяс, Нёбдинысь да районысь госьтыяс, чужан му туялысьяс да Виктор Алексеевичлön рöдвужыс —

найö, кодъясöс удайтчис корсьны да корны волыны öтувъя гаж вылö.

На пöвстын вöлі и тайö мича нылыс. **Мария Савина** — нималана коми гижысьлön правнучка. Чужöма сійö буретш Виктор Савинлön чужомсянь 100 во тыригкежлö да ноябрь 14 луно пасйис 25 арöс тырöм. Мария, позьö шуны, мунöма прапöльыслön кок туйöд: велöдчöма культурологö да журналистö, водзынджык гижöма да йöзöдöма

кывбурьяс. Сылön Виктор Савин вокрыс тшöттш зэв енбиа, ворсö гитарабн. Жаль сöмын, сійö да унабн мукöд эз волыны аддзысьлöм вылас: кодкö эз шыась, а кодсюрö йылысь öнөдз нинöм абу тöдса, нималана рöдвуж йывсыныс оз паськöдчыны да.

**Снимокыс
Мария ПЛОСКОВАЛÖН.**

(Водзö 11 лист бокын.)

Пыдын вужъя, пашкыр вожа

(Заводитч 1 л.б.)

Госьтъяслон локтигкежлэ юркарса коми культура шориннын вóлi дасьтöма нин «Ассьым сиктöс öдвa тöдi...» фотовыставка, кöнi петкöдлöма Нёбдинлысь чужомбансö, сөнi олысьясöс, дерт, и Виктор Савинлысь да рöдвужыслысь снимокъясö. Найöс чукöртöмась Нёбдинса водзмöстчысь войтыр Кöрткерöсса землячество отсöгöн.

Рыт вöлö локтысьясöс гажöдiсны республикаса искусствояс колледжысь «Эзысь войт» да Коми национальной гимназияысь «Горадзуль» котыръяс. Юргисны бура тöдса сыланъяс, а сiдзжö «Нэриник ныв» — Михаил Лебедевлөн «Настук» опереталы Виктор Савинлөн гижöм сылан, кодöс архивысь адзöма Надежда Митюшева. Искусствояс колледжын велöдчысьяс шензöдiсны тшöтш «Райын» пьесаысь юкöнсö аканьöн ворсöмөн. Тайö сыда-еджыд рöма петкöдчöмсö видзöдiгöн йирмöгавлiс быдсөн.

А сэсся рытсö котыртысьяс босьтчисны öтув серпасавны Виктор Савинлысь ордпусö. Кыдз тöдса, вужйысь сылөн пыдын, а вожысь мый пасьта, стöчасö некод на абу туялöма. Нёбдинса школаын вöвлöм велöдысь Евстолия Савина висьталiс, мый ас кадö челядькöд найö тöдмалöмась гижысьлысь олан туйсö, та могысь ветлöмась весиг Интаса Адак лагерö да Томск областьтö, а сэсся корсьöмась медся матыс рöдвужсö, но пыдисянь туявны Лидия Ивановна гöтырыслысь да чой-вокыслысь ордпусö абу босьтчылöмась.

Миян газетлөн бур ёрт Надежда Митюшева кутчысьöма тайö уджас кык во сайын. Сiйö корсьöма Национальной архивысь Нёбдинса Витторлысь вужсö 200 во пыднабдз. Медваж рöд кутысьяс — Педь Трöш — овлöма 1700 воясö. Медым пö пыдöджык на пырдчыны, колö уджавны Москваын, важ актъяс видзан архивын.

А тайö рыт вылас локтысьяс лыдын паськыд ордпусысь вöлины сизимöн. Виктор Савинлөн Людмила нылыслөн Сергей Яновский медся ичöт пныс талун уджалö республикаса эколого-биологической шориннын (юннатъяслөн вöвлöм станция). Сiйö волiс 11 арöса Арина нылыскöд, кодi ве-



лöдчö Коми национальной гимназияын 5 классын. Найö некоднанныс оз тöдны коми кывсö, но Арина öнi велöдö. Батыскöд тшöтш комиöн да рочöн найö лыддисны «Коми саридз» кывбур.

Сергей Яновский висьталiс чукöртчысьяслы, мый мамыс сылöмсяныс пырдчöма спортö: лысьсьöма винтовкаысь, вöлöма Комиын да Рытыв-Войвылын лызöн котралöм кузя чемпионкаöн, весиг аныаслөн боксын вынсö видлöма. И пöрысь арлыдöдыс пыр котралöма лызöн.

Людмилалөн внучкаыс Ольга Букина,



письмöсö. Виктор Алексеевич гижöма сiйöс гöтырыслы лагерсянь 1943 вося июль 1 лунö, кор Лидия Ивановна абу нин вöлöма ловъя. Сiйö кувсьöма 1943 вося май 25 лунö тшыгысла.

Диана Григорьевна казътыштiс тшöтш, мый гижысь семьяыскöд овлöма юркарнын öнiя «Мода» вузасыннiн меса-таын вöвлöм кык судтаа пу керкаын. 1936 воын найö вуджöмась Горький нима уличаса кык жыръя патераö, оз вöлöм вермыны вештысьнысö да.

А бөръяысьсö Нёбдинса Витторкöд аддзысьлöма гижысь Иван Изьюров. 1940 воын Иван Васильевич вöлöм бергöдчö гортас Воркутлагысь да кежалöма Адакö. Виктор Алексеевич кöсйысьöма аскинас ыстыны ськöд семьяыслы письмöтор. Мöд лунас Изьюровлы висьталöмась, мый Савинöс ыстöмась турунла, а письмöсö абу сетöмась, уна лишнойсö пö гижöма..

* * *

Тайö аддзысьлöм йывсьыс юöртан öти агентствоын гижöд петöм бöрын öткымынөн элясьöмась, ми пö тшöтш рöдвуж, а эз корлыны. Тыдалö пö, бөрйöм йöзöс чукöртлiсны. Збыль-вылас рыт котыртысьяс корсьöмась найöс, кыдз шуласны, дзуртöмөн. Чайтiм пö, öтилы кö звöнитлам, найö нин сэсся шыöдчасны мукöд дорас. Но йитöдыс, вöлöм, зэв жебиник. Виктор Савинлөн рöдвужыс разi-пели торъялöмась, чукöртчылöны-аддзысьлöны сöмын гижысьлөн тшупöда паса лунъясö, öта-мöд йывсьыныс пöшти нинöм оз тöдны. А колö эськö...

Елена ПЛЕТЦЕР.

Снимокъясыс Мария ПЛОСКОВАЛÖН.

Пушкин нима гимназияын роч кыв да литература велöдысь, тшöтш яндысьöмпырысь юöртiс, мый комиöн ставсö гöгöрвöд, но сёрнитнысö оз кууж. Оз ошйысь и аслас вужнас, кöть эськö гимназияын унаöн тöдöнысы йылысь. Сiйö тшöтш пасйис, мый Себастьян Каньолилөн водзмöстчöмөн француз кыв вöлö вужжöдöм «Райын» тешсö гимназияын велöдчысьяс петкöдлiсны весиг Москваын, Францияса посольствоын.

Мария Савина правнучка йывсьыс юöртiм газетлөн 1 лист бокын. Сiйö волiс мамыскöд, кодi и висьталiс, мый ас кадö коми кыв велöдöм могысь кöсйöма сетны Машаöс Коми Республикаса Юралысь бердын ис-

кусствояс гимназияö, но абу босьтöмась — некымын баллөн унджык öкмöма Кулöмдiн районас сиктысь воём нылкалөн.

Республикаса драма театрын ворсысь Ольга Носкова — тшöтш Савинъяслөн паськыд рöдсьыс. Сылөн да во-кыслөн («Иван Куратов» опералы шылад гижысь Сергей Носковлөн, кодi öнi олö Лондонын) мамыс — Виктор Савинлөн троюродной чой.

Тайö рытö казътылiсны и найöс, кодъяс воынысö эз вермыны. Куратов нима литература музейöн веськöдлысь Диана Холопова висьталiс, мый коми гижысьлөн 100 вося юбилей дырйи вöлöмась Виктор Савинлөн Россия пасьталаысь рöдвужыс. Шуам, Тотьмаысь вöлö-

